

欽定字惠全書

孚惠全書卷二十二

偏隅蠲緩十一

乾隆四十八年九月二十五日奉

上諭山東省濟寧金鄉魚臺三州縣前因被水較重特加恩展賑至六月底止以資餬口第念該處地畝甫經涸出十之三四本年秋成未免失望若坐待春收為時尚早著再加恩展賑五個月俾來年春麥足資接濟貧民更無虞乏食又兗曹濟三屬亦係連年被水之區著該撫明興查上年被災地畝內緩徵帶徵錢糧及四十八年新疆一併加恩緩至明年麥秋後再行開徵其新舊漕米倉穀亦著緩至明年秋後帶徵以示軫恤災黎有加無

已至意該部遵諭速行

十一月初三日奉

上諭據畢沅奏延安府屬之定邊膚施延川安塞保安安定等六縣本年秋禾被霜較早收成實止五分與清澗靖邊二縣情形相同請將應徵各項銀糧緩至來年徵收等語定邊等六縣秋收歉薄民食不無拮据所有本年額徵各項新舊銀糧草束及各年借欠常社倉糧俱緩至來年秋後徵收以紓民力仍於冬春酌量借糶倉糧用資接濟以副朕軫念邊黎有加無已之至意

乾隆四十九年四月十九日奉

上諭前因河南衛輝府一帶缺少雨澤恐於麥田

有碍曾降旨詢問何裕城令其查明具奏茲據覆
奏該省惟衛輝府屬之汲縣新鄉輝縣獲嘉淇縣
延津滑縣濬縣封邱懷慶府屬之修武原武陽武
彰德府屬之內黃及開封府屬之祥符陳留滎澤
共十六縣被旱較重現在查明散給籽種口糧並
請將汲縣等十六縣民欠未完銀兩緩至秋熟一
併徵完報解等語汲縣等十六縣既據該撫查明
被旱較重自應亟為撫恤著該撫督率屬員實力
妥辦其民欠未完銀兩並著加恩緩至秋熟後徵
收以紓民力該部即遵諭行摺併發

七月初七日奉

上諭前據富勒渾等奏建寧府因雨後溪河猝漲

淹及官民房屋並損傷人口業經諭令該督等飭屬詳晰查明酌量撫恤矣該處猝被水災雖經該督等分別撫恤酌借籽種口糧貧黎均已得所但究係被水之後民力不無拮据著加恩將建寧所屬之建安甌寧二縣並下游被水之延平府屬南平縣本年應徵錢糧緩至乾隆五十年秋成後帶徵以示朕體恤災黎有加無已之至意

九月初六日奉

上諭據何裕城奏請將現被水旱之衛輝府屬汲縣新鄉獲嘉三縣懷慶府屬之修武縣開封府屬之陳留縣並歸德府屬之商邱寧陵睢州三州縣本年應徵粟米豆麥緩至五十五十一兩年分年

帶徵等語本年豫省衛輝懷慶開封等處春夏被旱成災屢經降旨撫恤歸德等屬亦因漫口被淹並諭令該撫加意撫綏若按例徵輸民力未免拮据著照所請汲縣新鄉獲嘉修武陳留商邱寧陵睢州等八州縣本年應徵粟米一萬一千二百八十五石零豆一萬五千八百五石零又新鄉汲縣獲嘉修武陳留商邱睢州等七州縣應徵麥一千五百二十石零又汲縣新鄉獲嘉修武四縣截存薊糧米六千二百八十五石零俱緩至五十五十一兩年分年帶徵以紓民力又睢州等州縣緩徵麥豆請照例於不被災州縣應徵粟米內照數改徵又獲嘉等縣緩徵薊糧內有搭運天津北倉及

密雲兵米於不被災各縣截存薊米內派撥搭運
暨睢州未被災西南二鄉照舊徵收之處俱著照
所請行該部知道摺併發

十月十六日奉

上諭據伊星阿奏江西南昌新建等六縣因上游
水發濱湖田畝被淹雖涸退後業經補種雜糧而
節候稍遲收成未免歉薄等語本年夏間據該撫
等奏萍鄉等三縣被淹當令其加意撫恤併將無
力貧民酌量借給籽種無使一人失所令南昌等
六縣傍水田畝亦緣水退稍遲收成歉薄若照舊
輸將民力難免拮据所有南昌應徵糧銀二千一
百三十四兩零新建應徵糧銀三千三百七十七

兩零進賢應徵糧銀一千一百三兩零鄱陽應徵糧銀一千二百四十三兩零餘十應徵糧銀二千七百三十八兩零建昌應徵糧銀三千一百八十七兩零俱著緩至五十五一兩年分年帶徵俾農民生計益紓以副朕軫念閭閻有加無已之至意該部即遵諭行

乾隆五十年三月二十二日奉

上諭據畢沅奏彰德一府與衛輝毗連開封河南二屬自去冬至今未霑雨雪麥苗微細夏禾不能長發等語開封等屬冬春未得雨雪此時即得甘膏播種大田西成尚早若令將新舊錢糧照常輸納小民未免拮据所有開封府屬之祥符陳留杞

縣通許尉氏洧川中牟蘭陽滎澤汜水禹州密縣
滎陽鄆陵儀封鄭州新鄭等十七州縣河南府屬
新安澠池偃師等三縣彰德府屬之安陽湯陰內
黃等三縣共二十三州縣乾隆五十年並四十九
年未完錢糧及一切帶徵錢糧倉穀等項俱著緩
至本年秋後徵收以紓民力其中有受旱較重及
連年河水漫溢被淹積歉之區並著再行加賑一
月口糧俟得雨後仍按畝借給籽種俾資耕作其
無地極貧下戶即加賑兩月口糧使二體均霑渥
澤該撫務須董率所屬實力妥辦以副朕軫念窮
黎有加無已之至意該部即遵諭行

御製河南巡撫畢沅奏開封等處闕雨情形亟命

緩徵加賑詩以誌事已

衛輝連歲旱賑恤多方救毗連河之南雨雪亦鮮
透是用頻咨詢撫臣茲詳奏二十三州縣麥苗胥
艱秀即使使獲甘霖大田遠秋收畢沅奏豫省河北
毗連之開封河南二屬皆自去冬至今未霽雨雪
麥苗微細夏禾不能長發委員前赴太白山取水
設壇祈禱於三月十七日自午至亥得雨二寸餘
地氣稍覺滋潤等語該處亢旱日久此時即得甘
霖播種大田秋成尚是用增惻然帶徵緩新舊並
早據奏蓋增惻念
令加月賑一二以次授據奏即降旨將開封府屬
氏洧川中牟蘭陽滎澤汜水禹州密縣滎陽鄆陵
儀封鄭州新鄭河南府屬之新安澠池偃師彰德
府屬之安陽湯陰內黃等二十三州縣本年併上
年未完一切帶徵錢糧均緩至本年秋後徵收以
紓民力其受旱較重及連年被水積歉之區並再
加賑一月口糧俟得雨後仍按畝借給籽種俾資
耕作其無地之極貧即照延津等處之例加賑兩
月口糧仍飭該撫董率所屬實力妥辦災黎得

惠 霑實 嗟哉豫省民南望心焉疾調幕之良方予咎
非汝咎申命賢有司敷惠其善副

二十六日奉

上諭直隸廣平順德大名三府屬與豫省河北毗
連上年冬間缺少雪澤今春亦未得有透雨河間
府屬之景州交河等州縣秋冬以來雨澤稍疎麥
收恐不免歉薄此時即得甘膏播種大田西成尚
早若令將新舊錢糧照常輸納小民未免拮据所
有廣平順德大名三府屬各州縣並河間府屬之
景州交河阜城獻縣河間肅寧寧津故城等州縣
著加恩將乾隆五十年應完錢糧並四十九年未
完錢糧及一切帶徵錢糧倉穀等項俱緩至本年

秋後徵收以紓民力其景州等州縣並著即行減
價出糶以平市價該督務須董率所屬實力妥辦
使一體均霑渥澤以副朕軫念民依有加無已之
至意該部即遵諭行

御製命緩徵直隸南三府及河間府屬之州縣錢

糧詩以詩事

乙

塵懷豫省旱災成絜矩迤南接界并更念河間缺
雨澤普令

平

各屬緩春徵

直隸廣平順德大名三府屬與豫省河北接壤

又河間府屬之景州交河等處去冬來雨澤亦少
若將新舊錢糧照常輸納民力不無拮据因降旨

將廣平順德大名三府屬各州縣併河間府屬之
景州交河阜城獻縣河間肅寧寧津故城等州縣
本年應完及上年未完帶徵各項錢糧俱緩至秋
後徵收以紓民力並令該督即行減價平糶率屬
實力妥辦俾小民均得善需渥澤

惟祈吉霽田耕起並出倉糧市

價平咨爾有司勤體卹莫教溝壑轉吾氓

四月初一日奉

上諭據薩載等奏淮徐海三屬今春雨澤短少現在二麥歉收等語淮徐海三屬均為積歉之區上年冬間久晴上燥種麥無多今春雨澤又復愆期以致麥苗未能長發民力難免拮据所有淮徐海三屬應完新舊錢糧著加恩緩至本年秋成後徵收以紓民力其貧民播種無資者並著按畝借給籽種銀兩俾資接濟該督撫其董率所屬確查妥辦以副朕軫念民依之至意該部即遵諭行

初八日奉

上諭豫省衛輝一帶連年旱災甚重屢經降旨加

恩展賑並將緩徵帶徵民欠各項善行蠲免本年
錢糧緩至秋後徵收矣該處雖兩次得有雷雨仍
未渥被甘膏農民更形拮据朕心深為軫念即使
夏至以前得有透雨及時播種大田秋禾成熟而
當積歉之餘閭閻元氣未能驟復仍恐艱於完納
所有衛輝府屬之汲縣輝縣新鄉淇縣獲嘉延津
濬縣滑縣封邱考城及附近災區之武陟陽武修
武原武各縣本年應徵地丁錢糧竟著加恩概行
蠲免俾吾民得安心耕作以待西成至開封歸德
河南陝州許州等屬雨澤亦屬愆期麥秋失望從
前降旨緩徵之祥符等二十三州縣內其受旱較
重之祥符陳留蘭陽儀封滎澤內黃六縣所有歷

年帶徵緩徵民欠各項著照衛輝所屬之例加恩
全行豁免其次重之杞縣通許尉氏洧川中牟湯
陰六縣著蠲免十分之五鄆陵滎陽禹州安陽四
州縣著蠲免十分之三至受旱少輕之陝州靈寶
許州臨潁襄城郛城長葛河內濟源孟縣溫縣臨
漳林縣洛陽鞏縣孟津嵩縣永城鹿邑柘城虞城
夏邑太原扶溝西華等二十五州縣所有乾隆五
十年並四十九年未完錢糧及帶徵歷年錢糧倉
穀等項俱著加恩緩至本年秋後徵收以紓民力
其各該州縣內極貧下戶餬口無資者並著給與
一月口糧以示優恤該撫其督率所屬妥協辦理
務俾均霑膏惠副朕軫念災黎不使一夫失所至

意該部即遵諭行

御製降旨全蠲衛輝等屬本年地丁錢糧並鄰近
之間封各屬分別蠲緩加賑詩以誌事已

衛輝連歲早日夜我心惻賑救求其寧已不遺餘
力蠲舊免新徵庶其略蘇息奈何未悔禍春復闕
雨澤吁嗟我赤子那免溝壑瘠縱幸夏至前渥霽
霑盈尺借種聲壯種聲晚田仍望秋有獲元氣豈遽
復那忍追呼逼豫免今年賦少濟閭閻厄衛輝一
帶連年
旱災甚重雖屢經降旨加賑蠲免積欠並將本年
錢糧緩至秋後徵收但念積歉之餘元氣難復即
使夏至前得有透雨秋成尚遠民力仍艱完納因
即降旨將衛輝府屬之汲縣輝縣新鄉淇縣獲嘉
延津濬縣滑縣封邱考城及附近災區之武陟陽
武修武原武等十四縣本年應徵地丁錢糧全行
蠲免俾吾民安心其餘鄰近屬洹及池魚劇或緩
耕作以待西成

或加賑極次以為格鄰近災區之開封歸德河南
 愆期麥秋已失望其受旱較重之祥符陳留蘭陽
 儀封榮澤內黃六縣歷年帶徵緩徵各項亦即加
 恩全行蠲免次重之杞縣通許尉氏洧川中牟湯
 陰六縣蠲免十分之五鄆陵滎陽禹州安陽四州
 縣蠲免十分之三至受旱少輕之陝州靈寶許州
 臨潁襄城郾城長葛河內濟源孟縣溫縣臨漳林
 縣洛陽鞏縣孟津嵩縣永城鹿邑柘城虞城夏邑
 太康扶溝西華等二十五州縣所有本年並四十
 九年未完錢糧及歷年帶徵等項俱緩至本年秋
 後徵收以紓民力其各該州縣極貧並加賑一月
 口糧仍諭該撫率屬實申命大小吏飢溺視已迫
 力妥辦務俾均霑實惠申命大小吏飢溺視已迫
 俾民受實惠贖我君臣責

十三日奉

上諭據書麟奏亳州等十一州縣本年雨水缺少
 二麥不能一律栽插本日又據該撫由驛奏報安
 慶省城於初四日大沛甘霖十分深透書麟前摺